



**SURAT PEMBERITAHUAN
KEMENTERIAN PENDIDIKAN
NEGARA BRUNEI DARUSSALAM
BILANGAN : 2/2020**

PERUBAHAN TARIKH CUTI PENGGAL PERTAMA PERSEKOLAHAN

1. Berikutan perkembangan terkini mengenai COVID-19 seperti yang dimaklumkan oleh Kementerian Kesihatan, Kementerian Pendidikan dan Kementerian Hal Ehwal Ugama mengambil langkah berjaga-jaga bagi memastikan kemungkinan jangkitan adalah terkawal dengan **mengubah tarikh bermula cuti penggal pertama persekolahan daripada 16 Mac 2020 kepada esok, hari Rabu, 11 Mac 2020**. Perubahan cuti ini akan melibatkan sekolah-sekolah rendah, menengah, maktab, Pusat Tingkatan Enam dan Institut Pendidikan Teknikal Brunei (IBTE) di bawah kawalan Kementerian Pendidikan dan juga sekolah-sekolah di bawah kawalan Kementerian Hal Ehwal Ugama, sekolah-sekolah swasta dan sekolah-sekolah antarabangsa.
2. Cuti tambahan selama tiga (3) hari ini adalah khusus bagi pelajar-pelajar sahaja. Guru-guru dan kakitangan sekolah adalah dikehendaki bertugas seperti biasa di sekolah masing-masing semasa hari tersebut dan memastikan sekolah dan persekitarannya dalam keadaan bersih. Pihak Kementerian akan meneliti keperluan untuk penggantian cuti tambahan tersebut.
3. Sesi persekolahan penggal kedua akan bermula seperti dijadualkan (30 Mac 2020). Sebarang perkembangan terkini akan dimaklumkan melalui saluran rasmi media dan Kementerian Pendidikan dari semasa ke semasa. Pihak Kementerian Pendidikan melalui sekolah masing-masing telah menyediakan *Business Continuity Plan* sekiranya sesi persekolahan perlu ditunda pada tarikh yang lain.
4. Guru-guru, kakitangan sekolah dan pegawai-pegawai Kementerian Pendidikan adalah dinasihatkan untuk mengelakkan daripada membuat perjalanan yang tidak penting (*non-essential travel*) pada musim cuti persekolahan ini dan sentiasa mengutamakan amalan kebersihan diri bagi menghindari sebarang risiko jangkitan. Kementerian Pendidikan dengan kerjasama Kementerian Kesihatan akan terus memantau perkembangan kejadian jangkitan ini dari masa ke semasa.

والسلام

DR SHAMSIAH ZURIANI KANCHANAWATI BINTI HAJI TAJUDDIN
Setiausaha Tetap (Pendidikan Teras)
Kementerian Pendidikan, Negara Brunei Darussalam

Rujukan: KPE/M7/42/2020

Tarikh : 15 Rejab 1441 / 10 Mac 2020